

QUIVER QUIPS STEEL ORCHESTRA CU CD Y CASSETTE



ORANJESTAD (AAN): a worde funda dia 4 di Augustus 1990 cu e meta pa reviva y promove nos musica di steelband aki na Aruba y cu ta

masha poco a keda di gruponan asina.

E poco cu tin ta traha masha duro pa complace e turistanan na hotelnan local ya cu ta un tipo di musica hopi gusta cerca e turistanan pero Quiver Quips ta kere cu no solamente mester complace nos turistanan pero tambe nos hendenan local y ta pa e motibo aki nan a lanza nan di dos produccion den corto tempo.

Na fin di aña 1990 nan a lanza nan promer produccion den forma di un cassette cual tabata un exito total, na fin di 1991 nan tabata e promer steelorchestra na Aruba cu a bin cu un potpourri di pasco canta pa Mirella Tromp y na final cu un dande ya di e manera tambe a contribui na e cultura di Aruba, na fin di aña 1992 nan soño a bira realidad ora cu nan a realisa nan segundo produccion den forma di un C.D. y Cassette.

Cu e produccion aki Quiver Quips kier logra di yega merca donan internacional ya caba e ta obtenible na Curaçao y den tramite na Venezuela y muy pronto na Hulanda tambe.

Ya for di October nos por a scucha e cancion "steelmontuo" na tur radio emisora local local ta un propio composition di Jeremy Lampe y Hubert Thiel y aregla pa Hubert Thiel, un somotuno cu a cay dna agrado di un y tur y despues a sigui e patpouri di fin di aña canta pa Mirella Tromp, kende e aña aki atrobe tabata hopi solicitada.

Quiver Quips kier gradici Galaxy Entertainment productions pa e confianza cu a pone den nan especialmente e managing director Edwin Ras.

Tambe e areglistanan Federico Martis, Hubert Thiel, Frank Dijkstra y tambe na e guest musicians Hildward Croes, Franklin Granadillo, Elgin Kock, Hubert Thiel, Federico Martis, Robert Thijssen, Eugene Maduro, John Tromp y e cantantenan Mirella Tromp y Ramphy's Tromp.

Na Hildward Croes cu a percura pa e mixing, Emile Kelkboom di Watapana Studio y tambe na tur e ex integrantes cu a sigui brinda e grupo cu nan apoyo.